

ՇԷՔԱՐԻՐ

ՄԱԿԲԵԹ ՈՂԲԵՐԳՈՒԹԻՒՆ՝

ՀԱՆԴԵՍ ԵՐՐՈՐԴ

ՏԵՍԻՆ Ա.

Փորկս: Սեննակ յապարան:

Մտանէ Բանքոյ:

Բանքոյ

Աւասիկ դու այժմ թագաւոր ես և կաւդոր և Գլամիս,
Ամենայն ինչ՝ զոր քեզ քորք ճակատադրին խոստացան.
Այլ խիթամ՝ եթէ առ այս խաղացեր խաղ չարարուեստ:
Բայց ասի ևս թէ սերունդք քո չվայելեսցեն յայդոսիկ.
Այլ թէ ես հայր և նահապետ կացից բազում արքայից:
Եթէ ստոյգ բարբառեցան, որպէս վրկայ բանքն, ով Մակբեթ,
Որ վասըն քո՝ ի գլուխ ելին, հիմ՝ որ ի քոյդ մեծութիւն
Եղև պատգամ ճշմարիտ, նոյն և վասն իմ ոչ եղիցի,
Եւ զյոյս իմ հաստատեսցէ: Այլ, շատ է այս. մի այլ բանք:

Ձայն փոյոյ: Մտանեն Մակբեթ քաղաւորակերպ և Տիկին Մակբեթ
Իբրև դշիւոյ, Լէնուս, Ռոսսէ, Տեսրք, Տիկնայք և Ուղեկիցք:

Մակբեթ

Ահա հիւր մեր բարձերէց:

Տիկին Մակբեթ

Թէ մուացեալ լինէր դա՝

Պակաս մընայր մեծապէս խընջոյքս, և բնաւն անպատշաճ:

Մակբեթ

Տէր, սեղան մեծահաց առնեմք մեր յայսլմ գիշերի,
Եւ քեզ անդ լինել ըզձամք:

Բանքոյ

Հրաման տացէ արքայդ իմ,
Բանի քում անլոյծ կապով հնազանդութեան անսացիւ միշտ :

Մակբէր

Ընդ երեկս ելցես 'ի ձի :

Բանքոյ

Այո , տէր իմ բարի :

Մակբէր

Ապ' եթէ ոչ՝

Հարցանել կամէաք 'ի քէն խորհուրդ 'ի ժողովիս ,
Այն որ միշտ իմաստուն հանդիսացաւ և յաջող ,
Այլ հարցցուք 'ի վաղիւ անդր : Ի հեռաւոր գընաս տեղի :

Բանքոյ

Այնքան , տէր իմ , հեռի՝ մինչև ընթրեացըն հասցէ ժամ :
Եթէ ձին իմ չարչաւիցէ , հարկ լիցի ինձ առնուլ փոխ
Մի և կամ ժամըս երկուս 'ի նսեմաստուեր գիշերոյն :

Մակբէր

Մի վերջացիս գալ 'ի խրախունսն :

Բանքոյ

Ոչ յետնեցայց , ոչ , տէր իմ :

Մակբէր

Իմացաք եթէ մի մերս յարինարբու համիրակաց
Անկեալ է 'ի փախուստ յԱնգղիա , միւսն յԻսպանտա ,
Զհայրասպան ոճիրն առանց ինչ խոստովան լինելոյ .
Եւ չդիտեմ որպիսին ունկընդրաց յօդեալ զրոյցս :
Այլ խօսեսցուք վաղիւ զիրացս , որպէս և զայլ գործոց երկրիս
Որ ստիպեն զումարել մեզ , երթ , ել 'ի ձի . ողջամբ մընա ,
Մինչ 'ի դարձ քո ընդ երեկս : Եւ փէսնդէ գայցէ ընդ քեզ :

Բանքոյ

Այս, տէր . սակայն ճեպէ ժամանակն , հարկ է մեկնել :

Մակրեք

Կամիմ զի իցենք . քո նըժոյգք ընտիրք և երազունք :

Եւ զհեծեալս իւրեանց յանձն առնեմ նոցին : Ողջամբ երթ :

(Ելանէ Բանքոյ) :

Յերեկոյիս յայտիկ անցնիւր ազատ լիցի՝ ցեօթներորդ ժամ .

Մեք , 'ի գրտանել զընկերութիւնն և ևրս զուարթ :

Մինչև ցըժամ ճաշուն կացցուք մնասցուք աստ : Արդ Տէր ընդ ձեզ :

(Ելանեն Տիկին Մակրեք , Տեսրք և Տիկնայք) :

Այլ դու , անսա ինձ . ըսպասե՛ն արքն այնորիկ հրամանացս :

Սպասաւոր

Առ դըրան ապարանիցըն կան նոքա , տէր :

Մակրեք

Մոյծ այսրէն : (Ելանէ Սպասաւորն) :

— Լինել այսպէս , չէ ինչ լինել , եթէ չիցէ յապահովս :

Արհաւիրք Բանքոյի յիս ընդմիտեալ են խորամուխ .

Ի բնութեան իւրում գոյ պերճ իմն ինչ , որ ահ արկանէ :

Է նա այր քաջայանդուգն , և 'նդ աննըւած բուսոյ բարուց

Կըցէ զհանճար՝ որ զգորութիւն իւր ընդ անքոյթ տանի շաւիղ .

Ի կենաց նորա միայն ևեթ զահի հարկանիմ ,

Եւ ոգի իմ . սասանի 'ի նորայնոյն միայնոյ ,

Զոր օրինակ յԱնտոնիոսէ , ասեն , ոգի կեսարու :

Կըլտամբեաց նա զքորսն , յորժամ զիս թագաւոր կարդացին ,

Եւ հրաման ետ խօսել զանձնէն . և անդ նոցին ձայնք դուշակք

Հայր ըզնա հըռչակեցին արքայական ինչ զարմի :

Կապեցին նոքա 'ի գլուխ իմ ըզպըսակ անժնունդ ,

Եւ 'ի ձեռս իմ ետուն գաւազան մ'անբարոնամի .

Զոր խլեսցէ ձեռն օտար , և ինձ որդի չյաջորդեսցէ :

Պըլծեցի զհողիս ուրեմըն վասն ազգին Բանքոյի ,

Վասըն նորա սպանի ապա զբարեպաշտիկըն Դունկան .

Ի բաժակն իմ անդորրու վասըն նորա խառնեցի

Զմըրուր ժանտ ապագային . վասըն նորա , և զի լիցի

Արքունի՝ ճետըն Բանքոյի , հասարակաց թըշնամոյ

Մարդկան զյաւիտենից կենացն իմոց ետու զզարդ :

Քան այսմ տոյսպէս լինել, նա աւանդի, եկ, ով բախտ,
Անց ի մէջ, եկ կռուեսցուք մինչև իսպառ: — Ո՛վ է անդ:

(Մտանէ Սպասաւորն ընդ Սրիկայս երկուսն):

— Կաց մընա առ դրրան, մինչև ըզբեզ կոչեցից: (Ելանէ Սպասաւորն):

— Միթէ ոչ երէկ զիրացըն խօսեցաք:

Առաջին Սրիկայ

Այո, տէր,

երէկ զիրացըն խօսեցաք:

Մակբեք

Եւ խորհեցայք զոր ասացիս:

Յիշեցէք, զի նա էր որ զձեզ երբեմն ճընշեաց,

Եւ ոչ ես բընաւ, զոր դուք համարէիք մեղապարտ:

Քաջ իսկ ի բանըս մեր վերջինըս ցուցի ձեզ յայտնապէս,

Ի՛բր ըզձեզ խընաց նա, և քարընդոտն եղև ձեզ:

Ասացի ձեզ ըզգործիսն զայնոսիկ զորս հնարեաց,

Եւ բազում ինչ այլ իրս, որ կ'իսամասն իսկ հողւոյ՝

Յիմարի ումեք տային ասել: Այդ գործ է Բանքոյի:

Առաջին Սրիկայ

Արդարև ցուցեր մեզ զայդ:

Մակբեք

Այո, ստուգիւ. և արդ ցամ

Յառիթ երկրորդ բանակցութեանս, իցէք ցայն վայր համբերողք՝

Մինչև ձեզ զայսոսիկ համայն առ ոչ ինչ գըրել:

• Հաւատայք յաւետարան ցայն վայր՝ մինչ զի աղօթել ձեզ

Վասն բարւոյ առնըդ և վասն որդւոց իւրոց. վասն նորա՝

Որոյ ծանրը ձեռք ըզձեզ կորացուցին ի չիրմ,

Եւ ի մոյր դատապարտեաց ըզձերայինսն յաւիտեան:

Առաջին Սրիկայ

Մարդիկ եմք, տէր:

Մակբեք

Այո, իցէք յարարածոց ի կարգի,

Գող իբրև բարակը և շունը խառնած ընունդը և սպանիականը ,
 Գանգրամադը , երկայնավարսը և շրնդայսը և շրնջրիք .
 Բնաւք յանուն յորջորջին շան , այլ որը ի ցեղան են ուժգինք՝
 Որոշին , շուն յամրագնաց , շուն երազոտուն , շուն արուոր ,
 Պահապանըն բարի և որսականն , իւրաքանչիւր
 Ըստ պարգևին՝ զոր բարերարուն բընութիւն ետ նոցա ,
 Երբմէ առնուն անուն զատ յընդհանուր ցեղականէն .
 Դոյն և մարդկան . արդ եթէ գուք յընտրեալ ցանկին գիտէք զանձինս ,
 Եւ ոչ ի ստորին կարգս իցէք՝ զայն ինձ ասացէք ,
 Եւ ես ի սիրտս ձեր արկից խորհուրդ՝ զոր ձեր յանդ հանեալ ,
 Եռսոխէն ձերմէ զերծջիք , և պընդեալիք ի սէր մեր .
 Ի մեր , որ որչափ կեայն՝ առողջութիւն մեր նուազեալ
 Ոչ երբեք կազդուրեսցի :

Երկրորդ Սրիկայ

Այնպիսի ոմն եմ ես , տէր ,
 Որ զյարեալ ընդ վատթար ոտնհարութիւնս աշխարհի՝
 Ի խընդիր վրիժուց զանձն իմ ի բնաւս յառաջ ընկեցից :

Առաջին Սրիկայ

Իսկ ես մարդ եմ , այնքան նըկուն եղեալ յիմոց աղետից ,
 Զըզձըգեալ ի բախտէն , մինչև դընել ինձ ըզկեանս՝
 Թառաջին վտանգս արկածից առ լաւագոյն զործեւ զայն ,
 Կամ զերծանել յայնմանէ :

Մակքեր

Դուք երկոքեանքդ իսկ գիտէք
 Զի Բանքոյ հակառակ էր ձեզ :

Երկրորդ Սրիկայ

Գիտակ եմք , տէր , այնմ :

Մակքեր

Նա և իմն է . և ի մեզ՝ այնպէս է ոխն արիւնախառն՝
 Զի մէն մի վայրկեանք կենաց իւրոց խոցէ զիս ընդ ակն :
 Մարթ է ինձ , զիմ զօրութիւն ի գործ արկեալ յայտնապէս ,
 Վըտարել ըզնա յաչացս , և պատճառել ըզկամս իմ .
 Այլ չէ ինձ պարտ առնել զայն , ակն ածեալ ի մտերմացն ,

Որք են և իմ, և զսիրով նոցին չկարեմ զանց առնել,
Եւ ընդ որս՝ հարկ լիցի ինձ ողբալ զդաւեալն առ յինէն :
Այս իսկ է ահա , որ զձեր տայ ինձ խընդրել ձեռն ի նպաստ ,
Ի պատճառըս ժածկելոյ գործ մի , յորում հարկ է ինձ
վասըն բազում ինչ պատճառաց , զաչս աշխարհի խարդախել :

Երկրորդ Սրիկայ

Արասցուք , տէր , զամենայն՝ զոր ինչ դու մեզ պատուիրեսցես :

Առաջին Սրիկայ

Այո՛ , պարտին կեանք մեր . . .

Մակբէք

Փայլէ կորովդ յերեսս իսկ ձեր :
Յետ մի ժամու ցուցից զտեղին յոր պարտ է ձեզ դարանել .
Զեկուցից ըզժամն , յորում լըրտեսեսլիք , և զվայրկեան :
Յերեկոյիս յայսմիկ լիցի , և սուղ հեռի յարեղանեացն .
Եւ միտ դիք քաջ , զի մի ստգիւտ ինչ վասն իրացդ անկցի զինն :
Եւ զի մի կըրճիմն ինչ և պատառուած լից՝ ի գործն ,
Եւ որդին իւր փլէանդէ , որ ընկերէն ընդ նըմա ,
Եւ յորմէ ճողպարելըն չէ փոքր ինչ քան ի հօրէն ,
Հաղորդակից լիցի բաղդի խաւարչուտ այնըր ժամու :
Խորհեսլիք ուրոյն՝ արդեօք իցէք ի միտս հաստատունս .
Ի մօտոյ դամ առ ձեզ :

Երկրորդ Սրիկայ

Տէր , անյողդողդ եմք յայս կամս :

Մակբէք

Կուչցից ըզձեզ ընդհուպ , կայէք մնացէք յապարանս : (Ելանեն Սրիկայք) :
Աւասիկ վըճարեցաւ : Եթէ հոգի քո , Բանքոյ ,
Յերկինս ի վեր ունի սլանալ , յերեկոյիս լիցի այն :

ՏԵՍԻՆ Բ

Այլ Սենեակ յապարտան :

Մտանեն Տիկին Մակբեր և Սպասաւոր ոք :

Տիկին Մակբեր

Բանքոյ ել յապարանիցս :

Սպասաւոր

Այո, տիկին, այլ անդրէն

եկեսցէ յերեկոյիս :

Տիկին Մակբեր

Ասա ցարքայ, թէ հաճեսցի,

ջի եկեալ եմ ասել բանըս ինչ նըմա :

Սպասաւոր

Երթամ բամբիշն : (Ելանէ) :

Տիկին Մակբեր

Ոչ ինչ ոչ շահի ոք, ընդվայր ծախէ զամենայն՝
Յորժամ ելցէ փափազն ի գլուխ առանց ինչ գոհ լինելոյ :
Լաւագոյն ևս էր լինել ի պայմանի կործանելոյն,
Կբան թէ նորայն կործանմամբ կեալ յանհանգիստ լըրջմըտութեան :

(Մտանէ Մակբեր) :

Ձէ է քեզ, տէր իմ. առ ինչ կաս առանձին միայնակ,
Քեզ զովողս արարեալ ըզմահագոյժ ուրուակածս,
Յածելով ի խորհուրդս որոց պարտ էր մեռանել
Ընդ պատճառաց նոցին : Ձէ պարտ զանհընարիցըն խողալ.
Եղև, որ ինչ եղևն :

Մակբեր

Զօձըն թեթևըս հարաք,

Բայց սակայն ըսպանաք ոչ : Մասունք նորին կըցեսցին :

Անթերի դարձցի անդրէն , և չարութիւն մեր վնհերոտ
Անկցի ի խայթուածս իւրոց նախկին տառամանցն : —
Այլ ճն և ճն , տիեզերացըս խախտեսցին հրաշակերտք ,
Նեղեսցին կըրկին աշխարհքըն , քան թէ բնաւ երբեք կերայց
Ես ահիւ , կամ յարհաւիրըս երազոց նիրհեսցի՝
Որ զգիշերս ամենայն առնեն ըզմեզ ահաբեկ :
Առաւել յոյժ լաւագոյն էր մեզ նընջել ընդ մեռելոյն
Զոր մեզէն յուղարկեցաք ի բնակարանն հանգըստեան՝
Զի հասցուք ուր արդ կամքըս , քան տանջիլ զօր հանապաղ
Յանհնարին վիշտս անձկութեանց : Յիւրում շիրմի կայ Դուռնկան .
Դադարէ նա՝ յետ ջերման կենացն՝ ի քուն քաղցրութեան .
Զչարագոյնըն զոր կարէր առնել՝ արար մատնութիւն .
Ոչ թոյն , ոչ երկաթ , ոչ առտընին թըշնամիք ,
Ոչ օտար զէնք , յայսմհետէ մարթին նըմա ստնանել ինչ :

Տիկին Մակրեք

Երթիցուք , քաղցըր տէր իմ , պարզեա զկընճիւն երեսաց քոց .
Լեր պայծառ և զուարթալից ի բաղմահանն յերեկոյիս :

Մակրեք

Եղէց այնպէս , ով սէր իմ . նոյնպէս և դու աղաչեմ .
Մեծապէս հոգ յանձին կայցիս և փոյթ զբանքոյէ .
Նախապատիւ ըզնա ցուցցեն աչք քո և բանք՝ կոչնականին :
Ոչ ելցուք յանդորր համբուն՝ ցորչափ ի յուղիս յողմութեան
Լըւանամք ըզփառըս մեր , և պատրուակս արկանեմք
Զսըրտիւք մերովք՝ ըզդէմըս մեր :

Տիկին Մակրեք

Հարկ է թողուլ քեզ զայն ի բաց :

Մակրեք

Ո՛հ , կին իմ սիրելի , լի է կարճօք հոգի իմ .
Գիտես զի կեայ դեռ Բանքոյ և որդին իւր փլէանդէ :

Տիկին Մակրեք

Սակայն չէ յաւէրժական պատկեր բնութեան ի նոսա :

Մակբեթ

Այո՛, են և այդ սփոփանք, զի չեն նոքա բնաւ անվրկանդք :
Արդ ուրախ լեր . նախ քան ջրղջկանն դադարել ի թըռչանաց
Զորմովք վանացըն , նախ քան սևաթորմին Հեկատեայ
Ըզբընդեոնն կարգալ՝ զ'ի թեփոտ թեւ իւր ճախր առեալ ,
Քննաբեր բըզզալովն տացէ նշան յօրանջից
Գիշերոյ , ի գլուխ ելցէ գործ մի ահեղ սոսկալի :

Տիկին Մակբեթ

Զէնչ լիցի :

Մակբեթ

Սիրա սիրելի , կայց դու անմեղ ի խորհուրդս ,
Մինչև ի պահն յորում հարցես ծափս յելանել գործոյն յանդ :
Ե՛կ , գիշեր աղջամըղին , սքողեա զտըմոյն աչքս տուրնջեան ,
Ի՛նտես ձեռամբդ և արիւնոտ պատառեա՛ վկապըն վերջին՝
Որ ըզդէմն իմ այլայլէ : Մըթադնի լոյսն , և ագռաւք
Դէպ յանտառն , ուր բոյնք իւրեանց են , բաղխեն զթեւս սաւառնաձայն :
Բարեշունչ ազդմունք տուրնջեան ի նուաղել կան և ի թմբրիլ .
Մինչ յապուռ իւրեանց դռոթեն սեւա պաշտօնեայք գիշերոյ :
Դու ընդ բանս իմ՝ յափշութիւն կըրթիս , այլ կայց խաղաղիկ .
Որ չարիս ըսկըսան իրք՝ չարեօք առցեն հաստատութիւն :
Ե՛կ ընդ իս , աղաչեմ զքեզ : (Ելանեն) :

ՏԵՍԻԼ Գ.

Նոյն : Արօտատեղի կամ մակադատեղ ցանկապատ , դրամք միով որ հանկ յապարանսն :

Մտանեն երեք Սրիկայք :

Առաջին Սրիկայ

Ո՛ր ասաց քեզ յարիլ ընդ մեզ :

Երրորդ Սրիկայ

Մակբեթ :

Երկրորդ Սրիկայ

Չըկայր պատճառք նըմա ընդ մեզ կասկածելոյ ,
Քանզի նա ինքնին ուսոյց և պատուիրեաց մի ստ միովէ
Չոր արժան էր մեզ առնել :

Առաջին Սրիկայ

Ուրեմն ընդ մեզ կաց մընա :

Յոքք ինչ տուընջեան արձակեն դեռ ճաճանչս աղօտ յարևմուտս :
Ժամ է այս , յոր ուղևորն անագանեալ , մըտորակէ
Չերկվարն իւր ի դէպ պահու իջևանել ի պանդոկ :
Չէ հեռի նա որում մընամք մեք ըսպասեալ աստանօր :

Երրորդ Սրիկայ

Անսացէք . դըրնդիւն ձիոց :

Բանքոյ (ի ներքոռստ) :

Այր դու , աղէ , լոյս մատտ :

Երկրորդ Սրիկայ

Նա ինքն իցէ , զի ամենայն այլ հրաւիրեալքն են յապարանս :

Առաջին Սրիկայ

Տարեալ լինին երկվարք իւր :

Երրորդ Սրիկայ

Գոգ մղոնաւ չափ աստ' ի բաց :

Այլ սակայն սովոր է նա , որպէս առնեն ամենեքին ,
Հետիոտս ըզգընալ աստուստ ցըղուռն ապարանիցն :
(Մտանեն Բանքոյ և Փլեանդէ . Սպասաւորոք ոք յառաջէ չահիշ) :

Երկրորդ Սրիկայ

Չահ մի , ջահ :

Երրորդ Սրիկայ

Նա ինքնին է :

Առաջին Սրիկայ

Աղէ պինդ արձանացուք :

Բանքոյ

Տեղացէ անձրև յայսըմ գիշերի :

Առաջին Սրիկայ

Թող տեղացէ : (Հարկանէ զԲանքոյ) :

Բանքոյ

Ո՛հ , մատնութիւն . փախիր , սիրուն փէանդէ , խոյս տուր , փախիր ,
Յաւուր միում կարացես վրէժ պահանջել : — Ա՛յ անօրէն :

(Մեռանի : — Ճողոպորին փէանդէ և Սպասաւորն) :

Երրորդ Սրիկայ

Ո՛ զճրագն անցոյց :

Առաջին Սրիկայ

Չէր այն ի դէպ :

Երրորդ Սրիկայ

Մին լոկ անկաւ , զերծաւ որդին :

Երկրորդ Սրիկայ

Վրիպեցաք ի գեղեցիկ կիսամասնէ գործոյս մերոյ :

Առաջին Սրիկայ

Բայց և այնպէս երթիցուք ասել զոր ինչ արարաք :

ՏԵՍԻԼ Դ

Սրահ փառաւոր յապարակն : — Սեղան կազմեալ :

Մտանեն Մակրեք , Տիկին Մակրեք , Ռոսսէ , Լէնոս և Ուղեկիցք :

Մակրեք

Իւրաքանչիւր ոք ճանաչէ զիւր բազմական . բազմեցէք .
Յառաջնոյ անտի ցվերջինն ողջամբ լիցի գալուստ ձեր :

Տեսարք

Շնորհ ունիմք , տեառն արքայի :

Մակրեք

Իբրև ցածուն հիւրընկալս՝
Մըտանել յընկերութիւն ձեր կամ է մեզ և զուարճանալ ,
Վանաստուր տիկինըն մեր ունի զգրլուխ բազմականին .
Խընդրեսցուք այժմ ի նմանէ մատուցանել զողջոյն իւր :

Տիկին Մակրեք

Համօրէն բարեկամաց մերոց մատուցայն ընդ իմ , տէր :
Վկայէ սիրտ իմ թէ ողջամբ եկեալ են այսր ամենեքին :
(Մտանէ Առաջին Սրիկայն . կայ մնայ առ դրան) :

Մակրեք

Տես զի սղբա քեզ ի խորոց սըրտից իւրեանց ունին շնորհս : —
Յերկրոցունց կողմանց սեղանըն բոլորեալ է լիալիր .
Ըզմիջին տեղին կալայց ես . հըրճուեսցուք բերկրանօք .
Ընդ հուպ բաժակն ակըմբին ձեռն ի ձեռանէ յաժեսցի :
(Առ Սրիկայն) Նիշ արեան գոյ յերեսըս քո :

Սրիկայ

Քաջ է , արիւն է բանքոյի :

Մակբեթ

Լաւ եւ է քեզ ի սրահէս արտաքըս կալ քան մնալ ի ներքս :
Զրաւեցեր ըզնա :

Սրիկայ

Այժ , տէր . ընդ կառափն հանաւ նըմա .
Ես ինքնին արարի զայն :

Մակբեթ

Ճարտարագոյն ես փողոտչաց .
Այլ չեցէ անվարձ եւ նա՝ որ զնոյն արար ընդ փլէանդէ .
Եւ եթէ գու զայն արարեր՝ ապա չիք ոք քեզ նըմանակ :

Սրիկայ

Ով տէր իմ արքայաշուք , փախըստեայլ՝զնաց փլէանդէ :

Մակբեթ

Տենդն իմ յիս վերադառնայ . բաց յայդմանէ չիք յիս պակաս .
Անվրթար եմ իբրեւ ըզվէմ , իբր ապառաժ հաստատուն .
Լայնատարր եւ սփիւռ որպէս զօդըն՝ որ զիս պարուրէ .
Այլ զարդիս զընդանարգել ի բանտ արկեալ եւ նըկուն ,
Ընդ զըժպըհի խէթս իմ անդրէն եւ 'նդ արհաւիրքս կաշկանդեալ : —
Այլ իցես աներկեան ի Բանքոյէ :

Սրիկայ

Այժ , տէր իմ .

Ի փոսի միում նընջէ նա , քըսան լայն վիրագ ի գլուխն ,
Յորոց եւ փոքրն իսկ՝ մահ ածէր :

Մակբեթ

Շնորհ ունիմ ձեզ զայսմանէ : —
Օձըն վիշապ ջախջախեալ կայ . այն որ զերծան ի ձէնջ որդն՝
Այնպիսի է բնութեամբ՝ զի անանիցի եւ նա թունիւք ,
Թէ եւ առամն արդ չունիցի : Երթ , վաղիւ լուայց քեզ դարձեալ :

Տիկին Մակրեք

Տէր իմ արքայ , ոչ ինչ է քեզ փոյթ խրախ առնել զխընջոյս մեր .
վաճառել է զսեղանն , թէ կոշնատէրն հանապազ
Ոչ անձամբ վրկայեսցէ , եթէ տայն զայն յառատ սըրտէ :
Որում ուտել կամ է եթ , լաւ նա յիւրում տան ուտել .
Բաց այտի՝ բարբ բարեմոյնք քաջ հանդերձանք են խորտկաց .
Առանց այնր՝ երախանք թափուր և մերկ գըտանին :

Մակրեք

Քաղցր յուշարար . քաջ ախորժակ , ապա քեզ դիւր մարսողութիւն .
Եւ առոյգ առողջութիւն ընդ երկոցունց ընկերեսցէ :

Լէնու

Վեհափառ տեառն արքայի մերոյ իցէ հաճոյ բազմել :
(Երևի Ոգի Բանքոյի , և քազմի ի տեղոջ Մակրեքի) :

Մակրեք

էր մեզ ունել ընդ յարկաւս ըզպանծալին երկրին մերոյ
եթէ գոյր խրախճանակից մեզ շնորհաշուքն Բանքոյ :
Կամիմ յաւէտ ըզթերութիւն սիրոյ ի նմա կըշտամբել ,
Քան իբր յաղէտըս վըտանգաց ինչ ըմբռնեալ՝ ողբալ ըզնա :

Ռոսսէ

Տէր արքայ , չըզալ նորին զխոստումն իւր ստգըտանէ :
Տէրութիւն քո ոչ պատուեսցէ ըզմեզ պայծառ ընկերութեամբ :

Մակրեք

Բոլորեալ է սեղանն :

Լէնու

Այլ գոյ անդ , տէր , բարձ մի պահեալ :

Մակրեք

Եւ ուր :

Լենու

Աստ , տէր իմ , Ո՛ր դքեզ այդպէս առնէ ահաբեկ :

Մակրեք

Ո՛ր ի Ֆէնջ արար զայդ :

Տեսքք

Զինչ արդեօք , տէր իմ բարի :

Մակրեք

Զէ քեզ մարթ ասել երբեք եթէ ես զայդ գործեցի .

Մի՛ այդպէս մի՛ զարիւնացայտ քո վարսս յերեսս իմ թօթափես :

Ռոսսէ

Տեսքք , ելէք ի սեղանոյն , ախտացեալ իմն է արքայն :

Տիկիւն Մակրեք

Ո՛չ , նըստէք , ու վարեկամք դուք պատուականք , բազում անգամ
Պատահէ այդ տեսաւն իմում՝ յաստեաց անտի մանկութեանն .

Աղաչեմ ըզձեզ , նըստէք . վաղանցուկ է ջերմն հասեալ ,

Եւ սակաւ մի և ահա փարատեսցի ախտն ի նմանէ ,

Եթէ ուշի ուշով հայլք ի դա , ի խոր խոցէք դուք՝

Եւ չար ի չարն յաւելուք . կերայք և մի ինչ հողայք :

(Առ Մակրեք) Իցեա դու մարդ :

Մակրեք

Այժ , նա և այնքան քաջասիրտ

Մինչև ժըպրհել ակնարկել յայն որ և զգէն իսկ պակուացէ :

Տիկիւն Մակրեք

Որպիսի բաջադանք . են նոյն ցընորք արհաւրաց քոց .

Է դաշնն այն չողացեալ յօդս , որ ըստ քո իսկ ասից ,

Առ Դոնական տանէր ըզքեզ : Ո՛հ , զիարդ տենդս յանկարծադէպ ,

Սարսուռս այս , խաբէութիւն իսկական երկիւղի ,

Գան ի ճահ գռեհիկ կընոջ զրուցաց առ հրով՝ որ ի հանոյն

Լըւեալ պատմէ : Քանի ամօթ : Ընդէր ըղդէմբդ այլայլես :
Եթէ յանդ ել ամենայն , զի է քեզ յաթոռ անդր յառել :

Մակրեք

Աղաչեմ ըղքեզ , հայեաց անդանօր . տես . զինչ խօսիս : —
Ձի փոյթ է ինձ : — Եթէ կարես գըլխովդ առնել ականարկի ,
Ապա խօսեաց : Եթէ չիրիմք և դամբարանք յղեն առ մեզ
Ձորս թաղեցաք , ապա լիցին խայծիք ցընոց տապանք մեր :

(Աներևոյք լինի Ոգիմ) :

Տիկին Մակրեք

Աւաղ . յիմարութիւն ի քէն կապտէ զմարդկութիւն :

Մակրեք

Եթէ ստոյգ իցէ զի կամ ես աստանօր , տեսի զայն :

Տիկին Մակրեք

Վա՛շ . քանի ամօթ :

Մակրեք

Ոչ սոսկ այսօր եթէ հեղաւ արիւն ,
Այլ անդըստին ի կարի վաղ ժամանակս հեղաւ արիւն ,
Մինչ չև մարդկան օրինօք ըղկեանս իւրեանց կանոնեալ էր :
Այո , և յետ այնորիկ ըսպանութիւնք գործեցան ,
Կարի իմն ահագինք ի բան ճառից յունկըն մարդկան .
Էր երբեմն , զի ջափջախել անդ ըղկառախըն մարդոյ ,
Մեռանէր այրն , և ամենայնն առնոյր վախճան . այլ այժմիկ
Յառնեն մեռեալք մահացու քրտան վիրօքն ի գլուխս իւրեանց ,
Եւ ի բարձից բազմականաց մերոց ի բաց վտարեն ըզմեզ :
Նորանշան ևս է այս՝ քան զայնպիսի սպանութիւն :

Տիկին Մակրեք

Տէր իմ , ազնւական կոշնականք քո սպասեն քեզ :

Մակրեք

Ո՛հ , մուացայ . . . մի հոգայք ինչ դուք զինէն , ո՛ր բարեկամք .
Ախտանամ ախտ՝ որ ոչ ինչ է յաչս իմոց ծանօթից :
Հսկա , ամենեցուն առողջութիւն և սէր մաղթեմ .

Նըստայց և ես : Տուք ինձ գինի , զնըւազն իմ լըցեալ .
Ըմպեմ ի բերկրանս բազմականաց բոլորեցուն , (Յերևան գայ Ոգին) :
Եւ մերոյ սիրայորդոր բարեկամին Բանքոյի ,
Որ աստ մեզ պակասէ . իցիւ թէ գոյր աստանօր .
Արքցուք յարև բնաւից և յիւր . ամենեքին ամենեցուն :

Տեսարք

Եւ մեք ըզնոյն բաժակ մեծարանօք մաղթեմք քեզ ,

Մակրեք

Ի բաց զընա յաչաց իմոց . Կրթ էջ ի խորըս երկրի .
Յամաքեալ են ոսկերք քո , և արիւն քո ցըրտահար .
Զիք յաչըս քո հայեցուած՝ որով պըշնուս յիմ վերայ :

Տիկին Մակրեք

Ով տեաքք , մի առնէք պէտ , սովոր է նմա ախտըս այս ,
Ոչինչ է այդ . այլ աւաղ , զի եղծանէ զհըրճուանս տօնիս :

Մակրեք

Յամենայն՝ յոր խիղախէ մարդ ոք , և ես խիղախեմ :
Մօտ մատիւր ընդ մոլեգին տեսեամք արլուն Ռուսիոյ ,
Զինազգեսաց ուրնգեղջեր և կամ վազեր վըրկանեան .
Բաց յայսմանէ՝ առ զամենայն տեսիլ , և ոչ սարսեցից :
Կամ դարձիւր անդրէն ի կեանս , և սըրով . քով՝ յանապատի
Գումարեաց ընդ իս , և ես եթէ խոյս տաց յերեսաց քոց ,
Ապա կարգա զիս աղջրկան մի տըղայոյ պաճուճակ : —
Ի բաց զնա , ոգի ահեղ . (Անեղևոյր լինի Ոգին) : Պատրանք սնոտեաց , օն ի բաց : —
Քաջ է . այն ինչ անեղևոյթ լինի նա , ես դառնամ յայր :
Աղաչեմ , հանդարտ լերուք :

Տիկին Մակրեք :

Եղծեր դու զցընծովիւնն ,
Եւ զամենայն հըրճուանս ազնիւ բարեկամաց ակըմբիս՝
Այդպիսի անկարգ յուզմամբ՝ որ ափլեցոյց զամենեանին :

Մակրեք

Մարթ ինչ իցէ զի այսպիսիք հասցեն և գրոհ տացեն ի մեզ ,
Իբրև զամպս ամարայնի , և չազգեսցեն ինչ մեզ զարմանս :

Այլ յաւելուք դուք ի զարմանսն յոր ըմբռնեալ զիս ասեմ,
ի տեսանելն իմ զայտըս ձեր յայս տեսիլ ոչ ինչ այլայլեալ,
որ զիմն յարհաւրացն այլադունէ :

Ռոսսէ

Զի՞նչ տեսիլ, տէր :

Տիկին Մակքեր

Սղաշեմ ըզձեզ, մի բնաւ բարբառիցիք ընդ նրմա .
Զայրանան կի՞րք նորա . հարցուածք առնեն զնա այլ յայլմէ :
Բարի գիշեր ամենեցուն . մի զկարգն հոգայք ի գնալ ձերում,
Այլ ելէք միահաղոյն :

Լէնուս

Բարի գիշեր տեառն արքայի
Եւ լաւագոյն առողջութիւն :

Տիկին Մակքեր

Գիշեր բարի ամենեցուն : (Ելանեն Տեաքք և Ուղեկիցք լոցա) :

Մակքեր

Սպասէ նա արեան . ասեն , եթէ արին՝ զարին խընդորէ :
Տեսաւ շարժել քարանց և արձակել ծառոց բարբառ :
Գուշակութիւնք և յայտնութիւնք , կաշաղակաց կռիչք և՛ ագռաւուց
Յերևան հանին և զբնաւ գաղտնագործըն մարդասպան : —
Ո՛ր պահ է գիշերոյ :

Տիկին Մակքեր

Է ժամա՛ յորում չիք խըտրել
Արդեօք գիշեր է եթէ տիւ :

Մակքեր

Զի՞նչ ասես դու զՄակդուփայ ,
Որ հրամանաց մերոց չանսաց :

Տիկին Մակքեր

Դու կոչեցեր ըզնա , տէր :

Մակրեք

Ոչ, այլուստ գիտացի, այլ յըղեցից ըզնմանէ :
Զիք ի նոսա զք առ որ չիցեն իմ արք կաշառեալք :
Վաղիւ վաղ քաջ ընդ առաւօտն երթայց ի գիւտ քերց բախտին .
Տաց նոցա խօսել դարձեալ . զի արդ եդեալ եմ ի մտի
Զարաշար հնարիւք ըզլարըն ճանաչել . առ իմ օգուտ՝
Ամենայն տացէ տեղի . ցայն վայր յառաջ զնացի յարեան՝
Զի թէ չերթայց անդրագոյն երս, դըժուարին ևս է նկըրկին
Քան զնըկըրտելըն յառաջ : Օտարոտիս յանձին ըզգամ,
Որ կամին ի գլխոյս ի ձեռնս իմ անցանել,
Եւ զոր հարկ է կատարել մինչև ըզնոյննս քըննեալ :

Տիկին Մակրեք

Պէտս ունիս դու քընոյ որ նորոգէ զընաւ արարածս :

Մակրեք

Այո՛, զնացուք ի նինջ : Իմ այս օտար մոռացութիւն
Անձին իմոյ, յանընդեւ զարհուրանաց պատահէ .
Հարկ է նմա անցանել ընդ այս փորձանս դըժուարին :
Նորավարժք ոմանք եմք դեռ տակաւին մեք ի գործ : (Ելանեն) :

ՏԵՍԻԼ Ե

Թաւառք : Որտոտմն :

Մտանէ Հեկատէ . երեք վհուկք ելանեն առաջի նորս :

Առաջին վհուկ

Զի է քեզ, Հեկատէ, սըրտմըտեալ իմն երեկս :

Հեկատէ

Եւ իմ չիցեն առ այդ պատճառք, աւսարդք ժրպիրհք և յանդգոմք .
Զիարդ ընդ Մակրեթի իշխէք լինել հաղորդակից,
Եւ առնուլ և տալ զպատգամս իմ և զմահու ազանդիս .
Եւ զիս, ըզտիկինս հմայից ձերոց և զզըտիչ
Ամենայն մըթին չարեաց, ոչ կոչեցէք ունել զիմ մասն

Ու ի լոյս ածել ըզվառա հնարից մերոյ արուեստին :
 Եւ որ չար ես է , վասըն վէս որդւոյ զբընաւադ արարէք ,
 Ռիւերմի և կատաղւոյ , որ զձեզ սիրէ որպէս և զայլս ,
 Վասն ուշոյ նըպատակի իւրոյ՝ և ոչ վասըն ձեր :
 Այլ այժմիկ դարման տարէք մնասուդ . վաղիւ ընդ առաւօտն
 ի խոռոչն Ախերոնի գըտջիք ընդ իս միաբան ,
 Ուր գայցէ նա իրազգած լինել իւրոյ ճակատազրին :
 Կազմեցէք զանօթըս ձեր , և ըզբարբառս դիւթականս ,
 Բզհրմայս և զամենայն յուռութուլունս ըստ օրինի :
 Ելանեմ ես յօդս ի վեր . և կամ է ինձ ըզգիչերս այս
 ի լրումն ահաւոր ինչ խորհրդոյ ի վար առնուլ .
 Գործ մի մնայ կատարել յառաջ քան զօր հասարակ :
 Ի ծագս անդ մահիկեղջեր լուսնոյն կախեալ կայ չիթ մի
 Միգատարըր գորշւոյ , ժողովեցից ես զայն յառաջ
 Քսն ըզտեղալն ի յերկիր , և կաթիլն այն կայլակեալ
 Կախարդանօք , յանդիման ածցէ ոգիս երեւակերպս ,
 Որոց ցընորք ճեպեացնն ըզկործանումըն նորա :
 Անարդեսցէ նա ըզբախտն , և մահու ունչս արասցէ :
 Ըզյոյս իւր վեհագոյն համարեսցի քան զհանճար ,
 Քան զերկիւղ , քան զուղղութիւն . և դուք գիտէք ամենեքին
 Ձի մահացուաց՝ վըստահութիւնն է մեծագոյն թըշնամի :

(Երգ ի ներքոյստ) : Օ՞ն արի եկ , ծն , արի եկ :

Լուարուք . ձայնէ դիս ոգի մի փոքրիկ , նըստեալ աւագիկ
 Յամպ խաւարակուռ և ստուար , և ինձ ըսպասէ : (Ելանէ) :

Առաջին վեռնիկ

Երթիցուք , ծն , ճեպեսցուք , անդրէն նա դարձ արասցէ : (Ելանեն վեռնիկ) :

ՏԵՍԻՒ 2

Փորէս : — Սեկեակ յապարսնս :

Մտանեն Լէնոս և Ազնուական ունն :

Լէնոս

Առաջին բանք իմ ի ճահ պատահեցին խորհրդոց քոց ,
 Որոց մարթ է արդ ձըգտել ի խորագոյն մեկնութիւնս :
 Յաւելից քեզ զայս միայն՝ զի նորապահն իրք դիպեցան .
 Զբարին Դուռնկան ելաց Մակբեթ , մինչ մեռեալ էր բարին Դուռնկան :
 Անազան ուրեմըն ել ի ճեմ Բանքոյ աննենդն և քաջ .
 Հաճիցիք թերևս ասել թէ սպան ըզնա փլէանդէ .
 Զի փախեաւ նա . չէ բարւոք տարածամու ճեմ առնուլ :
 Ո՛վ ոչ տեսանէ քանի ոճիր այլանդակ էր
 Դոնալդանայ և Մակիովի սպանանել զքաղցր հայր իւրեանց .
 Գարշելի գործ . քանի՞ն Մակբեթ ընդ այն թախծեցաւ :
 Ի գթասէր սըրտմտութեան իւրում՝ ո՛չ նա զչուառսն կըրկին
 Ըզգերիսըն զինւոյ և քնոյ՝ հարեալ սատակեաց .
 Զէր այդ գործ աղնւական . այո՛ , և գործ իմաստուն :
 Քանզի ո՛ր այն սիրտ մարդկան որ ոչ խոցէր կարեւլէր
 Ի լուր ուրացութեան ապիրատիցն ըզմեղս իւրեանց :
 Մակբեթ , կըրկնեմ զայն , քաջիկ գործեաց զամենայն .
 Եւ թէ էր նըմա զբռնամբ ածել զորդիս Դուռնկանայ ,
 (Յոր ոչ բնաւ հասանիցէ , եթէ Աստուած հաճեսցի) ,
 Ուսանէին արդեօք՝ զինչ իցէ ի մահ վարել ըզհայր .
 Զնոյն ըզգայր և փլէանդէ : Բաւ է . բանք ինչ բարձր հընչեցեալք ,
 Եւ մանաւանդ հրաժեշտ գնալոյ բըռնաւորին ի սեղան ,
 Ի վերայ հասոյց ասեն զթըշուառութիւն Մակդուփայ :
 Մարթ իցէ քեզ ասել , տէր , թէ ո՛ր իցէ նա գնացեալ :

Ազնուականն

Որդին Դուռնկանայ , յորմէ եհան բըռնակալս այս
 Զիրաւունքս տոհմին , կեայ յարքունիս Անգղիոյ .
 Ուր ընկալեալ եղև այնքան սիրով ի գթածն Եղուարդայ ,
 Մինչև ոչ զըրկիլ նըմա , ի յարկածս անդ իւրոյ բախտին ,
 Եւ ի դոյզն ինչ պատուոյ և յարժանի մեծարանաց :
 Անգըր չոգաւ Մակդուփ՝ աղերս արկանել սուրբ արքային՝

Ձեր տրեւելանդայն դրդել սեպուհ , և զխաղմարարն Սիւարդ ,
Որպէս զի աջակցութեամբ արի արանցս այսոցիկ , —
Եւ այնմ որ էն յերկինքս , նուիրական առնել ըզգործն , —
Յանդորրու զհաց մեր կերիցուք և նընջեսցուք գիշերի ,
Ի բացեայ ի սուսերաց որ ըզխրախուսս մեր արիւննն .
Մատուցանել անկեղծ յարդանս , և ընդունել պատիւ ազատ ,
Չամենայն միանգամայն , որոց վասն այժմ յոգւոց հանեմք :
Ընդ այս լուր՝ արքային բըրդեալ ի մեծ բարկութիւն ,
Չեռնամուխ եղև այժմէն կազմել ի մարտ պատերազմի :

Լէնու

Եւ յըղենաց ըզՄակդուփայ :

Ազնուականն

Այո՛ , յըղենաց ըզնըմանէ :

Համարձակ պատասխանի արար Մակդուփ . « Ոչ բընաւ , տէր » .

Ապա զըժգմեալ դեսպանին՝ նըմա զթիկունքս դարձոյց ,

Բանքս ինչ շըչընջելով , որպէս եթէ ասել զայս .

« Ստըըջացիս դու՝ նդ ժամն , յոր զիս վարանեցեր պատասխանեալդ » :

Լէնու

Խորատեսցէ այս ըզՄակդուփ ըզգոյշ լինել անձին իւրոյ ,

Եւ ուշիւ մեկուսի կալ : Ո՛ր տայր երկնից հրեշտակի

Թըռչել յարքունիս անդր Անգղիոյ , և ազդ առնել

Ջնորա պատգամըն յառաջ քան ըզհասանել իսկ նորին ,

Ձի վաղագոյն հասցեն բարիք եղկելի մերս հայրենեաց՝

Որ 'նդ անիծեալ ձեռամբ հեծէ :

Ազնուականն

Հասցեն աղօթք իմ նըմա :

ԱԵՐՁ ԵՐՐՈՐԴ ՀԱՆԴԻՍԻՆ

Կը Հայտնակոյտ

ՎԻՊԱԿՔ ՈՒՂԱԿԱՐ

Սխալ

Էջ 71 , տող 7 (Ա. Սպասար)
 » 73 , » 8 Համբիւ-ութեան

Ռիդդ

(Ա. Սպասար)
 Համբիւ-ութեան